

乾

象

通

鑑

乾象通鑑卷八十四

河間府免解進士臣李季奉

聖旨編

東方雜座統論中

頻頑星論

亢池星論

折威星論

日星論

天輻星論

從官星論

陣車星論

騎官星論

騎陣將軍星論

車騎星論

天乳星論

東西咸星論

積卒星論

七公星論

頻頑星論

頻頑統占

客星化頻頑星

彗孛化頻頑星

流星化頻頑星

雲氣化頻頑星

頻頑星統占

天文別錄曰頻頑二星在折威南其東星入亢八度

主獄事囚情

巫咸占曰頻頑星黃二星在折威東南主考囚情狀

察詐偽也

天文占曰頻頑星主獄事考囚之情偽星明則獄事  
煩星暗則獄事簡星踈拆則有寃獄星亡則貴人  
繫獄

京房外傳曰頻頑星坼天下濫刑寃加良善亦曰天  
下有寃獄星亡則貴人受辱

一行游儀後論曰頻頑星小明為得常明有芒角是  
謂反常頻頑反常執法者枉刑加良善

大象旁通曰頻頑星暗則刑罰措星有光芒執法者  
曲其手則天下有寃獄亦曰囚情不得其實

荊州占曰頻頑一星亡則天下濫刑二星俱失則枉

法及人亦曰囚情不盡得

客星犯頻頑星

天文別錄曰客星犯頻頑則臣下失刑良善受辱  
天文總論曰客星入頻頑中有光芒奄頻頑不見不  
有斬將必有囚相

陳卓叙星占曰客星入頻頑頻頑星踈圻則天下有  
獄死貴人

夏氏占曰客星入頻頑中奄星不見則遠客受辱亦  
曰諸侯之賓受刑

司馬彪曰客星犯頻頑凌奄不見則囚不赦亦曰貴

人有憂

彗孛犯頻頑星

天文別錄曰彗星犯頻頑星芒角奄沒二星則獄訟不得情偽亦曰天下有濫刑

陳卓叙星占曰彗星犯頻頑則冤獄加良善亦曰曲法及人

夏氏占曰頻頑中出彗本光芒及折威則大將下獄亦曰輔臣幽囚

星讚曰有星孛干頻頑則大獄四起執法者用私情亦曰枉法加無罪

荆州占曰有星孛頻頑則刑法滋彰國事煩執法者不得情實天下寃之

流星犯頻頑星

天文別錄曰流星出頻頑星則貴人繁獄枉法加良善亦曰曲法者私其意

天文總論曰流星抵頻頑星光觸若火炆其下有獄死貴人

陳卓叙星占曰流星抵頻頑星則其下法令繁若星亡不見則臣不失刑

廣古今占曰流星觸頻頑其下有寃情亦曰有寃獄

雲氣犯頻頑星

天文別錄曰有蒼白氣奄頻頑則天下刑獄事煩有青氣則春多死囚有赤氣閉頻頑則囹圄防火災有黑氣環繞頻頑則兵將受刑亦曰大將坐法陳卓叙星占曰有赤氣環繞頻頑星則其下刑法不中

亢池星論

亢池星統占

客星犯亢池

彗孛犯亢池

流星犯亢池

雲氣犯亢池

亢池星統占



天文別錄曰亢池六星在亢北其北星入亢一度半  
主舟楫事

甘德占曰亢池六星黑在亢北主濟渡及舟船星明  
則吉星暗則凶

天文志亢北六星曰亢池亢舟航也主送往迎來星  
明則吉暗則舟航不通

陳卓叙占曰亢池星明則舟航通星暗則津梁阻亦  
曰舟楫不通

却萌曰亢池舟航也主送往迎來星明津梁不塞津  
途通

大象旁通曰亢池星明則負海之賓至亢池星暗則  
舟航不通

京房外傳曰他星入亢池及星踈圻則其下有王者  
有水憂

河圖遺書曰亢池星微細而小明天下津梁不通水  
失利星若就聚光芒相抵則江淮河瀆天下大  
旱赤地千里皇俱亡則舟航在陸大旱粒米不收  
人相食

客星犯亢池

天文別錄曰客星入守亢池則濟渡阻舟楫棄津梁

不通若蒼白色出四怒角則有水寇內侵天子習  
水戰苦色赤有怒角則運漕有虞一曰水失利  
古今星釋曰客星犯守亢池星留舍五十日以上不  
去則天下大水百川溢傷禾稼國大饑

彗孛犯亢池

天文別錄曰彗星抵亢池則畿甸暴水至都市通舟  
楫大饑糴貴

古今星釋曰彗星掃亢池則天子憂水一曰陷城邑  
傷人民

流星犯亢池

天文別錄曰彗星抵亢池則畿甸暴水至都市通舟楫大飢糴貴

古今星釋曰彗星掃亢池則天子憂水一曰陷城邑溺傷人民

流星犯亢池

天文別錄曰流星抵觸亢池則水寇掠民財一曰人君憂水寇

古今星釋曰流星出亢池則海舶入境色黃則貴貨至餘色有姦謀

雲氣犯亢池

天文別錄曰黑雲氣入亢池則天下大水白雲氣入亢池舟船有武備一曰天子習水戰色黃則吉餘色凶

折威星論

折威星統占

客星犯折威

彗孛犯折威

流星犯折威

雲氣犯折威

折威星統占

天文別錄曰折威七星在亢南東西列其西入角一十二度主軍徵事

甘德氏占曰折威七星黑在亢南東西橫列主軍獄情僞金火守犯則邊將斬

天文志曰亢南七星折威主斬殺

古今星釋曰折威星明潤軍獄不煩星暗則軍獄煩有柱刑星端列大將下獄星就聚則將軍死一曰有逐將星踈圻不有破軍必有死將

### 客星犯折威

天文別錄曰客星犯折威則軍政不一賞罰有明軍士離

古今星釋曰客星抵犯折威則軍獄囚忠良色黃則

喜不則死餘色及有芒角者坐誅

大象旁通曰客星出守折威則刑罰不中軍士有叛

彗孛犯折威

天文別錄曰彗星掃折威星則邊奪兵柄不順王命

一曰大將擅命

古今星釋曰彗星抵犯折威則邊將失權邊戍有匿

謀

大象旁通曰星孛折威則有獄死大將一曰忠義被

囚

流星犯折威

天文別錄曰流星抵觸折威則大將坐外事失權一  
曰將軍失勢

一行游儀後論曰流星出折威色黃則天子遣大將  
出征餘色大將不利天子有兵憂

雲氣犯折威

天文別錄曰有黑雲氣入折威則兵叛將死若白氣  
入折威將軍下獄坐事夷族者青赤氣入折威則  
大將憂黃氣入折威天子以珠玉幣帛賜將軍

日星論

日星統占

客星犯日星



彗孛犯日星

流星犯日星

雲氣犯日星

日星統占

天文別錄曰日一星在房西入氐一十二度半主人君之德星明則君有明德人君無德則日星不明其德氏占曰日一星在房南乃太陽之精也主明德金火守犯人主有憂

古今星釋曰日星明潤則天子德至于天一曰天下安人君有明德以及民

大象旁通曰日星暗則人君失德天下有離星一曰

人主有憂

客星犯日星

天文別錄曰客星干犯日星遠期五十日內日蝕不蝕則人君有憂

古今星釋曰客星犯守日星人君無德以尹衆臣下有陰謀一曰姦謀及天子

張平子通例曰客星犯日星留五十日以上不去芒角四出則天子失勢國祚將亡

彗孛犯日星

天文別錄曰彗星出日星則人君當之一曰君憂社

稷危

大象旁通曰彗星掃日星除舊賓新之象天下有更  
王一日諸侯擅制

古今星釋曰星孛日星側則諸侯不受制于天子一  
曰有自立諸侯

張平子通例曰星孛日星旁奄日星不見則天下無  
君一日天下大亂

流星犯日星

天文別錄曰流星抵觸日星則外國入寇中原天子

憂兵

古今星釋曰流星干犯日星則外姦通大臣有陰謀謀及人主色黃謀不成餘色皆凶大人當之

雲氣犯日星

天文別錄曰黑雲氣干犯日星天子失德其野有兵喪白雲氣入日星則天下兵起天子失勢若黃雲氣覆日星則天子德至于天下施于民天下安餘色俱凶

天輻星論

天輻星統占

客星犯天輻

彗孛犯天輻

流星犯天輻

雲氣犯天輻

天輻星統占

天文別錄曰天輻二星在房西斜列其北星入氐一十四度主法駕

巫咸占曰天輻二星黃在房南主駕駕星明則法駕備星暗則鑿與有虞

大象旁通曰天輻星疎垺則法駕有虞天子不安若星相逼光芒相抵則天子惡之

古今星釋曰天輻明潤而光澤則天下安法駕備禁衛嚴星光浮而數動搖則鑿與出畿甸一曰天子

巡狩有驚憂

客星犯天輻

巫咸氏占曰客星守天輻則鑿駕有憂

古今星釋曰客星守天輻留五十日已上者法駕有虞外姦有陰謀

張平子通例曰客星出天輻與天輻光相抵則天子憂外寇至

彗孛犯天輻

天文別錄曰彗孛干犯天輻則天子惡之一曰法駕出狩若奄星不見法駕有虞

張平子通例曰星孛天輻車駕出天子憂一曰法駕將遷則星孛天輻

大象旁通曰彗掃天輻則天子下殿走一曰法駕播遷則彗掃天輻

流星犯天輻

天文別錄曰流星干犯天輻則外寇逼鑿與若抵觸光奄星不見天子當之

大象旁通曰流星出天輻則天子將出符各以其所之野命其國色黃則車駕無虞餘色皆凶

雲氣犯天輻

天文別錄曰黑雲氣入天輻則法駕有驚憂若蒼白  
雲氣入天輻則鑿與兵車相雜一曰天子親戎服  
黃雲氣入天輻上下迴環不奄者天子安法駕備

禁衛宿

從官星論

從官星統占

客星犯從官

彗孛犯從官

流星犯從官

雲氣犯從官

從官星統占

天文別錄曰從官二星在房南其東星入房一度主



王者醫卜之官星小明為常星明大則為變從官星變動醫巫黨盛擅天子柄

巫咸氏占曰從官二星黃在房西南主天子巫醫星不欲明明大則巫者擅權五星犯守巫人醫人黨盛竊要權以謀逆亂之事

天文志曰從官二星在積卒星北主技術醫巫之官古今星釋曰從官星踈坼則醫巫之官失勢星就聚則醫巫黨盛若星明大怒角四出則醫卜有匿謀巫者造祲言害國政

客星犯從官

天文別錄曰客星乘守從官星則醫巫出入天子庭以干時政

大象旁通曰客星留從官五十日已上不去則技術之官竊人君權一曰從官舍客星則百僚目側

彗孛犯從官

天文別錄曰彗孛犯從官醫巫通外姦有匿謀及天子色黃謀不成坐誅餘色俱凶

張平子通例曰彗星掃從官則醫巫之官以事敗坐法

大象旁通曰星孛從官中技術官死一曰有謀逆亂

夷族

流星犯從官

天文別錄曰流星干犯從官則醫巫朋黨盛若抵觸有聲則醫巫之官干人君權以亂時政

大象旁通曰流星奄從官則醫卜之官失勢一曰流星奄從官色黃則黨盛餘色皆不利醫巫

雲氣犯從官

天文別錄曰蒼白雲氣入從官則醫巫之官掌兵權若黑雲氣入從官則技術見用有匪謀及朝廷色黃則醫卜之官受賞賜餘色皆凶

陣車星論

陣車統占

客星犯陣車

彗孛犯陣車

流星犯陣車

雲氣犯陣車

陣車統占

天文別錄曰陣車三星在氐南其北星入氐五度主  
天子革車也

天文志曰陣車三星在騎官東北主革車以象天子  
之兵車也

甘德占曰陣車三星黑在騎官東北星明則天子革

車備星亡則革車不備亦曰車騎不修器械不備  
大象旁通曰陣車星疎垓則天子革車不備一曰畿  
甸陣兵車

古今星釋曰陣車星直天子禁庭有兵變星移徙不  
定則天子自將兵星明大而有芒角四出光浮而  
數搖動則天子兵起一曰車騎滿野

客星犯陣車

天文別錄曰客星干犯陣車則兵車暴起天子憂兵  
古今星釋曰客星犯守陣車留五十日以上不去則  
兵暴至一曰外寇內侵有急兵

彗孛犯陣車

天文別錄曰彗星出陣車則天子親戎服一曰天子憂兵亦曰天下兵亂

古今星釋曰彗星掃陣車則天子禁兵有叛謀一曰彗掃陣車則內外戒嚴有暴兵起

張平子通例曰星孛陣車兵起帝都一曰有內變天子慎出兵

流星犯陣車

天文別錄曰流星抵觸陣車則天子革車不嚴一曰天子革衛不肅有陰謀

古今星釋曰流星出陣車天子自將兵一曰天子親  
戎服色黃者勝餘色俱不利

雲氣犯陣車

天文別錄曰黑雲氣入陣車則車騎滿畿甸若白雲  
氣入陣車則國有暴兵一曰天子憂外寇至黃雲  
氣入陣車則天子衛兵有威聲餘氣俱凶

騎官星論

騎官統占

客星犯騎官

彗孛犯騎官

流星犯騎官

雲氣犯騎官

騎官統占

天文別錄曰騎官二十七星在亢南其西行北星入亢六度天子衛宿之官也

石申氏占曰騎官二十七星赤在氏南主天子衛士也星明衆則安吉星暗不容數則凶主兵起亦曰有急兵

天文志曰騎官二十七星在氏南為天子武賁主衛宿之士也

大衆旁通曰騎官星踈坼失故常則天子禁衛不嚴有內變星就聚宿衛有離心又一曰有內亂



張平子通例曰騎官星明潤則宿兵嚴肅士俱忠義  
星暗則禁兵有陰謀星光浮而動搖衛士亂一曰  
有匿謀天子憂兵若明大而有怒角四出天下大  
亂

客星犯騎官

天文別錄曰客星犯騎官則宿衛亂謀通外姦以及  
天子

大象旁通曰客星犯守騎官及五十日以上不去者  
天子禁衛有警

古今星釋曰客星守騎官則衛士暴起

彗孛化騎官

天文別錄曰彗出騎官則衛士亂流血禁庭

張平子通例曰彗星掃騎官則大兵起天子自將衛  
兵禦外寇一曰天子有憂

古今星釋曰星孛騎官中則宿衛亂宮禁天子有憂  
一曰星孛騎官則天子恐

流星化騎官

天文別錄曰流星化騎官則天子禁衛有異志流星  
出騎官則天子自將衛士親征色黃者勝餘色俱  
負

大象旁通曰流星犯抵騎官色蒼白隆隆有聲則天子惡之後宮有憂

### 雲氣犯騎官

天文別錄曰黑雲氣入騎官則宿衛為亂一曰禁兵散蒼白氣入之則有內亂

大象旁通曰青赤氣入騎官則禁兵為亂天子有憂恐一曰後宮兵起黃氣入之禁衛兵嚴肅天子衛士忠義餘色俱凶

### 騎陣將軍星論

騎陣將軍統占

客星犯騎陣將軍

彗孛犯騎陣將軍 流星犯騎陣將軍

雲氣犯騎陣將軍

騎陣將軍統占

天文別錄曰騎陣將軍一星在騎官中入氏三度主  
天子騎將也

甘德氏占曰騎陣將軍一星黑在騎官東主騎將星  
明則為守常星暗則為變騎官將軍變動不守故  
常則騎將出兵守常則吉

天文志曰騎官東端一星曰騎陣將軍天子騎將也  
明吉暗凶

古今星釋曰騎陣將軍星明潤而光澤則天子騎將  
進秩受異恩星明大而光出怒角則騎將竊兵權  
叛天子

大象旁通曰騎陣將軍星光浮而數動搖則天子騎  
將為內亂

客星化騎陣將軍

天文別錄曰客星入守騎陣將軍則天子失騎將一  
曰騎將憂

大象旁通曰客星留守騎陣將軍舍五十以上不去  
則車騎滿野光出四角而不定者失大

將

張平子通例曰客星奄騎陣將軍則天子騎將竊兵  
摧叛主色黃主勝餘色俱凶

彗孛犯騎陣將軍

天文別錄曰彗星出騎陣將軍則天子惡之一曰天  
子親衛兵殺主將後宮有虞

大象旁通曰彗星掃騎陣將軍則天子自將軍騎陣  
畿甸一曰天子親戎服

一行游儀後論曰星孛騎陣將軍則畿甸有暴兵起  
後宮流血一曰有死將

流星犯騎陣將軍

天文別錄曰流星抵觸騎陣將軍則人主受制于天將一曰禁兵不肅有內亂

大象旁通曰流星出騎陣將軍則天子遣將禦外寇色黃即勝餘色俱凶

雲氣犯騎陣將軍

天文別錄曰黑雲氣干犯騎陣將軍則天子失主將一曰破軍殺將若蒼白雲氣入之則天下有兵變黃色即騎將受寵

車騎星論

車騎星統占

客星犯車騎

彗孛犯車騎

流星犯車騎

雲氣犯車騎

車騎星統占

天文別錄曰車騎三星在騎官南其西星入亢九度主天子騎將也

甘德氏占曰車騎三星黑在騎官之南主天子騎兵及騎將也星明則為得常星暗則天子騎兵將出搖動則騎將死得常則吉

天文志曰騎官之南三星曰車騎主天子之騎將也



古今星釋曰車騎星踈圻則天子禁兵有離心一曰人君兵潰其下有死將

大象旁通曰車騎星暗不明天子有潰兵為亂若明大而出怒角則天子死騎將一曰車騎離散若亡一星則主將惡之而三星俱亡天下大亂

### 客星犯車騎

天文別錄曰客星守車騎則天子庭有兵起一曰亂兵入天子禁衛

一行游儀後論曰客星守車騎留五十日不去即兵起王庭內外戒嚴

張平子通例曰客星出怒角凌車騎星則車騎滿野

一曰暴兵至

彗孛犯車騎

天文別錄曰彗星掃車騎則其下有兵亂一曰為內  
兵亂

大象旁通曰彗星出車騎則天子自將兵兵叛為亂  
一曰有兵亂

古今星釋曰星孛車騎天下有亂兵一曰天子憂兵

流星犯車騎

天文別錄曰流星出車騎則外兵暴至入寇中原若

黃色即勝餘色俱凶

大衆旁通曰流星抵觸車騎星則天子出兵距外寇  
中原有兵擾一曰天子兵潰

雲氣犯車騎

天文別錄曰黑雲氣入車騎星其下有亂兵一曰兵  
車暴至若蒼白氣入之有急兵亦曰天下兵起  
大衆旁通曰青赤氣入車騎則車騎滿畿甸天子自  
將兵禦外侮

天乳星論

天乳星統占

客星犯天乳

彗孛犯天乳

流星犯天乳

雲氣犯天乳

天乳統占

天文別錄曰天乳一星在氐東北入氐一十五度在  
天主甘露在人主和氣明吉暗凶

甘德氏占曰天乳一星黑在氐北星明白而潤則甘  
露降人民和樂

天文志曰氐北一星曰天乳主甘露亦曰人君召和  
氣以致太平

天文別錄曰天乳星明天子有德以召和氣又曰天

子德至于天則天乳呈明星暗則人君失德百姓  
流離星光浮而數動搖則有伏陰有愆陽歲歉糴  
貴人民大飢

客星犯天乳

天文別錄曰客星出天乳則天下無和氣人易疾疫  
若守五十日以上不去則四時失序歲荒民饑

彗孛犯天乳

大象旁通曰彗星犯天乳天子失德天下大荒赤地  
千里人相食白骨藉藉

流星犯天乳

天文別錄曰流星抵觸天乳則天子有憂白黑色憂  
水荒

雲氣犯天乳

天文別錄曰黑氣入天乳則天下大水溺城邑殺人  
民赤氣入之則天下大旱赤地千里人相食黃雲  
氣入之則天下和平餘色俱凶

東西咸星論

東西咸統占

月暈東西咸

月犯東西咸

歲星犯東西咸

熒惑犯東西咸

太白犯東西咸

鎮星犯東西咸

辰星犯東西咸

客星犯東西咸

彗孛犯東西咸

流星犯東西咸

雲氣犯東西咸

東西咸統占

天文別錄曰西咸四星在房西北其北星入房五度  
南星入氏十三度東咸四星在心西其南星入心  
二度

石申占曰西咸星赤在房東北東咸四星赤在心西  
北乃房之門戶日月五星之道也金火守之兵起  
天文志曰西咸在房之北東咸四星在心之北為日

月五星之道也房之戶所以防淫佚也星星明則吉星暗則凶月五星犯守之有陰謀

古今星釋曰東西咸八星西咸在房北東咸在心北房為日月五星之道得常則吉變色及動搖則凶八星踈圻則天子憂兵八星就聚與鍵閉光芒相及則天子宫庭有虞

京房外傳曰西咸星亡則天王有憂東咸星俱亡則朝廷危宗社不安東咸移徙抵心中星天子惡之一曰有兵喪西咸移徙入抵房星則王者政令不行



人主有憂

月暈東西咸

天文別錄曰月暈東西咸則關津不通月暈再重至三重則天下道路塞滯佚大行月暈五重至七重則天下兵起

大象旁通曰月暈東西咸中有黑雲氣奄鍵閉則天下憂兵人民流徙

月犯東西咸

天文別錄曰月犯東西咸則臣下有陰謀若逆行失度則女主有憂

古今星釋日月犯東西咸則天下兵喪又一日有女主失禮

晉太元二十年十二月月犯東西咸占曰東西咸主陰謀

義熙十年十二月己酉月犯西咸占曰有陰謀

歲星犯東西咸

天文別錄曰歲星逆犯東咸則道路有阻關津不通歲星逆犯西咸則人民不安

熒惑犯東西咸

天文別錄曰熒惑逆犯東西咸天下兵起一曰禁庭有兵變熒惑犯東西咸成鈞已天子宮禁有火災

太白犯東西咸

天文別錄曰太白逆犯東西咸則天下有兵喪一曰天子惡之若經天犯東西咸則國有大喪一曰為白衣之會

鎮星犯東西咸

天文別錄曰鎮星逆犯東西咸則天子禁庭興土功民勞多怨

辰星犯東西咸

天文別錄曰辰星犯東西咸則其國大水一曰大雨  
水傷禾稼糴貴民饑

客星犯東西咸

天文別錄曰客星犯東西咸則臣下有姦謀一曰有  
兵起

彗孛犯東西咸

天文別錄曰彗星掃東西咸八星俱亡則天下兵起  
王者革命一曰天下改王

大象旁通曰星孛東西咸則天子大兵暴起為亂王

者有憂

流星犯東西咸

天文別錄曰流星抵觸東西咸則有外兵暴至國有憂

古今星釋曰黑雲氣干犯東西咸天下有兵不然大水若蒼白雲氣入之則大兵四起天下有憂

積卒星論

積卒星統占

客星犯積卒

彗孛犯積卒

流星犯積卒

雲氣犯積卒

積卒統占

天文別錄曰積卒一十二星在房星南其北星入房  
二度半主衛士也

石申占曰積卒一十二星赤在心南今五營軍  
士也星微小吉明大動搖朝廷有兵出三  
星亡則兵盡出一星亡則兵半出客星守  
之兵四出

天文志曰在房心南十二星曰積卒主為衛士也他  
星守之近臣誅

古今星釋曰積卒疎圻則王者兵潰衛士有離心  
星就聚失常則禁兵有叛謀星明大有  
芒角則天下兵起光浮而數動搖者則  
朝廷有兵出

客星犯積卒

天文別錄曰客星犯積卒則朝廷兵起星明大則兵  
半出動搖及變色則兵大起若客星凌六星  
則不有破軍必有死將偏奄星盡亡則天  
子自將兵

彗孛犯積卒

天文別錄曰彗孛犯積卒則朝廷有兵憂一曰宗社危又曰有更王

大象旁通曰星孛積卒則內庭有兵暴起天子惡之  
一曰後宮有憂

流星犯積卒

天文別錄曰流星抵觸積卒則天子兵起入天子禁  
庭一曰後宮有兵亂

古今星釋曰流星出積卒川王者之兵潰散畿甸外  
寇內侵一曰天子憂兵

雲氣犯積卒



天文別錄曰流星抵觸積卒則天下兵起入天子禁  
庭一曰積卒天子衛士盡出禦外寇黃雲氣入之  
則禁兵強盛餘色俱凶

七公星論

七公統占

客星化七公

彗孛犯七公

流星犯七公

雲氣犯七公

七公星統占

天文別錄曰七公七星在貫索西北其西頭星入氏  
三度半主三公之象亦曰天相也

石申占曰七公七星在貫索西北星明則吉星動搖有光芒則有死相

天文志曰七公七星在貫索西北星明則輔臣得君星暗則大臣失職星亡則三公受誅亦曰有死相古今星釋曰七公星踈圻則大臣有離心離德一曰大臣有叛誅星就聚則大臣竊主柄星光浮而數動搖者則輔臣有異謀一曰三公失勢

客星犯七公

天文別錄曰客星犯守七公則輔臣有陰謀一曰以事露坐法

大象旁通曰客星出守七公則三公有異志一曰輔臣當之

彗孛犯七公

天文別錄曰彗星掃七公則天子失輔一曰大臣受誅

大象旁通曰星孛七公則大臣死不然則大臣受戮  
流星犯七公

天文別錄曰流星犯七公則輔臣失勢亦主宰相有憂

大象旁通曰流星抵觸七公則三公有陰謀坐法一

曰有逐相

古今星釋曰流星出七公則宰相受命出疆一曰天子遣大臣出使各以其所之野命其國

雲氣犯七公

天文別錄曰黑雲氣入七公則大臣受辱若有蒼白氣入之則大臣掌兵柄出征一曰諸侯有擅天子柄者又曰天下有兵黃氣覆七公上宰相有暴進者一曰大臣受君之寵餘色皆凶

乾象通鑑卷第八十五

河間府兗解進士臣李

李奉

聖旨編

東方雜座統論下

貫索星論

天紀星論

女牀星論

鍵閉星論

鈎鈴星論

罰星論

天江星論

魚星論

傳訖星論

龜星論

糠星論

杵星論

天篇星論

農丈人星論

貫索星論

貫索統占

客星犯貫索

彗孛犯貫索

流星犯貫索

雲氣犯貫索

貫索統占

天文別錄曰貫索九星在天市北門其右星入

房三度

石申曰貫索九星赤在七公星南九星俱明則  
獄事繁星俱不見則務簡星細小則獄事息

動搖則斧鉞用星口開赦不赦一曰人主有  
憂則星復閉客星入之有人臣自縊犯者常  
以五子夜候之一星不見小喜二星不見則  
賜爵祿三星不見則人主德令行故甲期八  
十日丙期七十日戊期六十日庚壬期五十  
日客星視大小大則大赦小則小赦

天文志曰在七公星之前九星貫索賤人之牢  
也一曰連營一曰天牢主法律禁暴強也牢  
口星爲門欵其開也九星皆明天下獄煩七  
星見小赦五星見大赦動則斧鑕用其中空

則更元

客星犯貫索

天文別錄曰客星犯貫索當有赦若客星有光  
芒明大貫索閉口則有自縊死者在獄中囚  
亦曰有冤獄

漢宣帝地節元年六月丙寅客星見貫索東北  
南行占曰有戮卿一曰有戮王期皆一年遠  
二年是時楚王延壽謀反自殺明年霍光兄  
弟及九卿皆謀反並伏誅

後漢孝明帝永平四年八月辛酉客星指貫索



七十日去貫索貴人之牢其年十二月陵卿  
侯梁松坐怨望懸飛書誹謗朝廷下獄死妻  
子家屬徙九真

後漢靈帝中平五年六月丁卯客星如三升椀  
出貫索西南行入天市至尾而消占曰客星  
起貫索入天市爲貴人喪其明年宮車晏駕

### 彗星犯貫索

天文別錄曰彗星掃貫索星不見則天子惡之  
星見則宰相當之

大象旁通曰星孛貫索中則天下興大獄一曰

大臣下獄又曰獄事煩天下有寃獄

晉安帝隆安四年有星孛于貫索占曰貴人從  
獄死内外有兵喪五年十二月有孫恩亂攻  
侵邵國於是内外戒嚴

### 流星犯貫索

天文別錄曰流星犯貫索星則貴人使下獄一  
曰使者以事坐法若流星出貫索則大臣有  
罪以赦原

大象旁通曰流星抵觸貫索則罹獄大起天下  
有寃一曰公忠者陷極刑

雲氣犯貫索

天文別錄曰黑雲氣入貫索則刑法枉加忠良  
天下冤之若蒼白氣入貫索則大將受刑一  
曰主將以軍事坐獄若氣環繞貫索不入不  
奄天下措刑民無冤枉餘色俱凶

天紀星論

天紀星統占

月五星犯天紀

客星犯天紀

彗孛犯天紀

流星犯天紀

雲氣犯天紀

天紀星統占

天文別錄曰天紀九星在天市垣北其西星入

尾一度星明則吉星亡則國祚亡

石申占曰天紀九星赤在貫索東星不見則山崩地震國亂主亡星明則天下治

天文志曰在貫索東九星曰天紀九星也

主萬事之紀理怨訟也星暗則天下多獄訟星亡則政理壞國紀亂散絕則地震山崩

漢孝武帝建元三年四月有星孛於天紀至織女占曰織女有女變天紀爲地震至四年十月而地動其後陳皇后廢

月五星犯天紀

天文別錄曰月暈天紀則九卿有陰謀一曰朝  
廷法令不下紀綱廢失

大象旁通曰月犯天紀則朝綱不振國事隳廢  
一曰國易政

古今星釋曰歲星犯天紀則人臣竊天子柄一  
曰禮樂征伐不自天子出災或犯天紀則朝  
廷有憂百官惡之若太白犯之則朝廷有急  
兵一曰外有暴兵至若辰星犯守則天下大  
饑百執事憂食鎮星犯守之則朝廷興土功

大臣勞役百姓怨嗟

客星犯天紀

天文別錄曰客星抵觸天紀則九卿被黜一曰  
百官有憂

大象旁通曰客星出天紀則有姦臣在君側妬  
國政流毒天下百姓昏怨

彗孛犯天紀

天文別錄曰彗星掃天紀則朝廷有弊政天下  
有更王一曰天下大亂

古今星釋曰星孛天紀中則朝廷危宗社有虞

一曰國祚將亡人君易位

大象旁通曰彗星出天紀則有上卿棄市一曰有逐臣又曰爲地震爲山崩王者惡之

漢孝武帝建元三年四月有星孛於天紀占曰星孛天紀爲震至四年十月地震

魏青龍四年十一月己亥彗星見天紀爲地震  
彗孛主兵喪景初元年六月地震九月吳將  
朱然圍江夏皇后毛氏崩二年正月討公孫  
懿三年正月明帝崩

流星犯天紀

天文別錄曰流星抵觸天紀則貴人繫獄亦曰  
天下有冤囚色黃有曲赦餘色俱凶

大象旁通曰流星出自天紀中則有藩臣下獄  
一曰廷尉出使治冤囚

雲氣犯天紀

天文別錄曰蒼白雲氣入天紀中則朝綱不振  
禮法隳廢百官失職黑雲氣入天紀則朝廷  
有憂虞百官廢事天下恐黃氣入天紀則赦  
不赦天子有異恩及百官餘色俱凶

女林星論



女牀星統占

月五星犯女牀

彗星犯女牀

客星犯女牀

流星犯女牀

雲氣犯女牀

女牀星統占

天文別錄曰女牀三星在天紀北其西星入箕

一度主御女事

石申占曰女牀三星赤在天紀北主後宮御女

星暗小則宮人怨明則吉

天文志曰女牀三星在天紀北後宮御也主女事

陳卓叙占曰女牀星明則多有內寵者星不明

則無

古今星釋曰女牀星明大則後宮多內寵三星  
踈坼後宮有陰謀三星就聚則後宮多嬪御  
爭寵相毒一星亡則後宮失勢三星俱亡則  
後宮有女喪

一行將儀後論曰女牀星不欲大明大明則內  
寵專恣以干國政星暗則後宮失叙一曰後  
宮有憂黃潤而小乃其常也得常則天子生  
嗣變則宮嬪有憂

月五星犯女牀

天文別錄曰月暈女牀則後宮有憂一曰女主  
當之月犯女牀則嬪御有憂一曰后妃失勢  
古今星釋曰歲星逆行女牀則皇后當之熒惑  
逆行女牀後宮有匿謀若成鈞已則后妃惡  
之一曰有女喪太白經天犯女牀則後宮有  
坐廢者若辰星鎮星犯女牀有女喪客星入  
之後宮有謀

客星干犯女牀

武密曰客星干犯女牀後宮有欲謀上者一曰  
有自殺又曰客星守女牀後宮有廢者不然

女客入宮有謀

陳卓叙占曰客星守女牀色黃則外國有進美女入後宮若色赤有芒角則倡俳入後宮一曰賤妾受寵

彗孛犯女牀

武密曰彗孛干犯女牀後宮當有坐法者又曰彗孛出女牀後宮有陰謀及天子

陳卓叙星占曰彗星出掃女牀則嬪御有犯法者亦曰後宮有匿謀

河圖遺書星孛女牀則後宮有兵起 一曰外

兵入天子宮禁中

流星犯女牀

武密曰流星抵觸女牀後宮有點者又曰流星抵女牀後宮嬪御有賜遙將者流星入女牀外國有進美女者流星出女牀後宮有廢者古今星釋曰流星出女牀後宮有失勢嬪御亦曰後宮有憂

陳卓叙星占曰流星入女牀則後宮有新寵美人一曰有外女入宮

雲氣干犯女牀

武密曰黃白雲入女牀後宮有新寵嬪御一曰  
有子喜黃氣入女牀後妃受賜荅白氣入女  
牀多疾病

陳卓叙星占曰有黃氣入女牀則后妃受天子  
珠玉之賜一曰后妃生太子

大象旁通曰有青白氣往來環繞女牀及奄星  
不見後宮有死喪黑雲入之尤甚

### 鍵閉星論

鍵閉統占

月五星化鍵閉

客星化鍵閉

彗孛化鍵閉

流星犯鍵閉

雲氣犯鍵閉

鍵閉統占

天文別錄曰鍵閉一星在房東頭北入房四度  
半主閔錄

至咸曰鍵閉一星黃在房東北掌管鑰之官星  
暗及不居所處則津路不通宮門不禁守常  
則吉

天文志曰鍵閉一星在房東北近鈞鈴主閔梁  
鑰鑰

古今星釋曰鍵閉星在房南房為明堂鍵閉為

鑠鑠星明則天子安星暗則王者政令不施  
於下星明大而數動搖則天子禁宮不嚴一  
曰天子有彗星出怒角則暴客入禁庭

河圖遺書曰鍵閉為房之關鎖星傳曰房為王  
者布政之堂鍵閉為王庭之鑠鑠星移徙則  
天子禁庭有兵起

大象旁通曰鍵閉星移近逼房之鈞鈴天子禁  
庭有彗星傳曰鈞鈴主天門之管鑰鍵閉為  
房之管鑰二星移徙相逼天子失位國棄祀  
天下大亂



月五星犯鍵閉

天文別錄曰月犯鍵閉則宮禁有虞一曰天子禁庭有驚虞一曰大災月暈再重至七重爲天子失政後宮有兵起

河圖遺書曰歲星逆犯鍵閉王者有憂焚惑逆犯鍵閉天子禁庭有虞一曰王者不安太白犯之兵起後宮鎮星入犯有土功天下怨謗辰星入之則天下大水

古今星釋曰月犯鍵閉則天子不宜出宮下疑魏明帝青龍三年七月己巳月犯鍵閉占曰有

火災三年七月崇華殿有大災

魏少帝正始九年七月癸丑鎮星犯鍵閉占曰  
王者不宜出宮下殿嘉平元年天子謁陵宣  
帝奏誅曹爽等天子野宿於是夫勢

晉穆帝升平三年正月壬寅焚惑犯鍵閉占曰  
人主有憂

晉穆帝升平四年十二月庚寅月犯鍵閉占曰  
人君惡之

晉孝武帝太元二十年十二月己巳月犯鍵閉  
占曰鍵閉司腹心喉舌

客星犯鍵閉

天文別錄曰客星逆犯鍵閉則有暴客入天子庭一曰暴兵起後宮

大象旁通曰客星大如杯守鍵閉留守五十日以上不去則天子腹心有憂一曰喉舌之官惡之

彗孛犯鍵閉

天文別錄曰彗孛干犯鍵閉則天子有憂又曰有兵喪

河圖遺書曰星孛鍵閉則天子更王國祚亡天

下大紀

流星化鍵閉

天文別錄曰流星抵觸鍵閉則外國有姦使入  
天子禁庭一曰外姦通內謀天子有憂  
大象旁通曰流星出鍵閉天子喉舌心腹之臣  
有匿謀

雲氣化鍵閉

天文別錄曰黃雲氣入鍵閉則天子安黑氣入  
之則禁兵有虞一曰禁衛爲亂蒼白氣入之  
則天子庭有急兵赤氣往來星不見禁宮有

龍火災

鈞鈴星論

鈞鈴統占

月五星化鈞鈴

客星化鈞鈴

彗孛化鈞鈴

流星化鈞鈴

雲氣化鈞鈴

鈞鈴星統占

天文別錄曰鈞鈴二星其西星入房三度乃天門之管鑰也

石申占曰鈞鈴二星赤逼房星之首天門之管鑰星明近房則天下同心客星入及踈坼主

地動河清之象

天文志曰房星北有小兩星鉤鈐及房之鈐鍵  
天門之管鑰主關鍵天心也星明近房天下  
同心鉤鈐間有星及踈圻則地河清

古今星釋曰鉤鈐居房首主管鑰乃關鍵天門  
關鍵天心者也二星明潤則書同文車同軌  
四海無異心星暗則天子不安朝廷有憂星  
踈圻河不清則地必動

河圖遺書曰鉤鈐星光浮而數動搖則王者禁  
衛有匿謀星逼房星則天子失位天下大亂

月五星化鈞鈴

天文別錄曰月化鈞鈴則王者有憂亦曰天子失御法駕有憂

陳卓叙星占曰歲星化鈞鈴則太僕死若光芒奄鈞鈴不見王者惡之

石申曰熒惑化鈞鈴則侯舌有憂亦曰奉車失職黃帝占曰太白經天鈞鈴有白衣會亦曰大喪高宗占曰箕星化鈞鈴王者有憂又曰辰星化鈞鈴則人君受制于強臣

漢孝宣帝本始二年七月辛亥熒惑守房之鈞鈴

鈞鈴天子御也注爲房爲天駟其陰左駢房  
二星曰鈞鈴故曰天子御也占曰太僕則奉  
車不黜即死者地節二年故大將軍霍光夫  
人顯將軍霍禹范明友奉車霍山及諸昆弟  
賓婚爲傳中諸曹九卿郡守皆謀反咸伏誅  
魏明帝青龍三年十二月戊辰月犯鈞鈴占曰  
王者憂

晉穆帝升平三年三月乙酉熒惑犯鈞鈴占曰  
王惡之

晉安帝義熙元年十一月丙戌太白犯鈞鈴占



曰喉舌憂是時司馬越專權終以無禮破滅  
內亂之象

晉安帝義熙五年閏月辛亥焚惑化鈞鈴占曰  
王者憂兵六年五月靈循逼郊甸宮衛被甲  
義熙九年七月庚午月奄鈞鈴占曰喉舌憂十  
年劉裕討司馬休之王師不利而休之等奔  
長安

唐高宗儀鳳三年十月戊寅焚惑化鈞鈴占曰  
君憂臣下竊柄

客星化鈞鈴

天文別錄曰客星犯守鈞鈴則外姦通內謀一  
曰王者心腹有陰謀

大彖旁通曰客星守鈞鈴天子喉舌有匿謀留  
五十日以上不去謀成王者腹心以事生法

彗孛犯鈞鈴

天文別錄曰彗星掃鈞鈴則天子失政一曰王  
者有憂亦曰有大兵喪若彗掃鈞鈴及房六  
星俱不見宗社亡國祀棄一曰天下大亂  
古今星祥曰星孛鈞鈴則天子喉舌有變謀一  
曰天子有兵變又曰後宮有變

流星犯鈞鈴

天文別錄曰流星抵觸鈞鈴則外姦入宮禁中若星流長可數丈所白色抵觸鈞鈴則禁衛校甲天子親戎服

大象旁通曰流星犯鈞鈴則宮門不禁後宮有兵起一曰外姦通內誅爲亂

雲氣犯鈞鈴

天文別錄曰有黑雲氣入鈞鈴天子宫禁有暴兵起有蒼白氣色入鈞鈴則後宮兵亂天子有兵憂一曰天子自將兵黃氣入之則天下

同心赤氣入之後宮有大災

罰星論

罰星統占

客星犯罰星

彗孛犯罰星

流星犯罰星

雲氣犯罰星

罰星統占

天文別錄曰罰三星在心北其西南星入心二度主刑罰之事

平咸曰罰四星黃在東咸西南北列主以金贖罪星明則法令不平星斜列則刑罰之事不

中星踈圻則天下有寃獄

天文志曰東咸西三星曰罰星南北直列主受金贖罪

古今星釋曰罰星主刑罰法令之事星不欲明  
大明大則天下有罪獄一曰刑罰不中又曰  
法令滋多星小明而濶則以金贖罪天下無  
枉法星明出怒角則有寃獄

客星犯罰星

天文別錄曰客星犯罰星則天下有寃獄一曰  
執法者有私心

大象旁通曰客星大如斗器守罰星五十日以上不去者天下多獄事一曰執法者坐廢

彗孛犯罰星

天文別錄曰彗星掃罰星則責臣繫獄一曰天子以枉法加無辜

大象旁通曰星孛罰星則天子以法令絕良民天下大亂

流星犯罰星

天文別錄曰流星犯罰星則刑罰加責臣天下有冤獄一曰執法者失法

大象旁通曰流星抵觸罰星則枉法妄施刑獄  
不公民多怨謗

雲氣犯罰星

武密曰黃氣入罰星刑罰措而不用有白氣入  
之則軍法加大將黑氣入之則執者死

天江星論

天江星統占

月五星犯天江

客星犯天江

彗孛犯天江

流星犯天江

雲氣犯天江

天江星統占

天文別錄曰天江四星在尾北其西第一星入  
尾七度主津河關道

石申占曰天江四星主關津江河一星不明關  
津不通星明大或動搖主大水傷禾稼

天文志曰天江四星在尾北江星不凡天下津  
河關道不通明若動搖大水出大兵起參差  
則馬貴

古今星釋曰天江主江淮河海關津道也星明  
潤津河通舟航無阻明大出怒角則關津不  
通光浮而數動搖百川溢大水傷禾稼糴貴



天下饑

河圖遺書曰天江星踈坼江河暴漲毀城邑殺  
人民天下大饑人相食

月五星犯天江

天文別錄曰月犯天江則天下川溢溺人民陷  
城邑焚或犯之濱水有自立侯王

大象旁通曰月暈天江期五日內有暴雨則災  
解無雨則江河爲陸地天下大旱赤地千里  
歲星守之則五穀登糴賤太白入之則有暴  
兵不然大水鎮星爲大旱辰星爲水俱云歲

不登

晉穆帝永和十一年八月己未太白犯天江占  
曰河津不通升平元年慕容雋遂據臨漳盡  
有幽并青冀之地緣河諸將奔散河津隔絕  
時推在方伯九服交兵

晉安帝義熙二年四月乙丑歲星犯天江占有  
亂兵河津不通是年二月甲戌司馬國璠等  
攻沒弋陽又慕容超侵掠徐兗三年正月寇  
徐州至下邳十二月司徒王謚薨四年正月  
武陵王尋薨五年慕容超復寇淮北四月劉

裕大軍討之拔臨朐又圍廣固拔之

客星犯天江

天文別錄曰客星犯天江則河津絕舟楫不通  
古今星釋曰客星犯天江守五十日以上則水  
寇兵起一曰有亂兵

彗孛犯天江

天文別錄曰彗星出天江則江河有兵變一曰  
有水寇爲亂天子有憂

大象旁通曰星孛天江則天下有兵亂國有憂  
一曰江海兵起爲亂

流星犯天江

天文別錄曰流星抵觸天江則有水賊通內姦國有憂

大象旁通曰流星蒼白色大如盃碗犯天江則天下兵起一曰國有兵憂

雲氣犯天江

天文別錄曰黑雲氣入犯天江則天下大水傷禾稼人飢糴貴白氣入之有兵黃氣入之國有喜餘氣俱凶

魚星論

魚星統占

月五星犯魚星

客星犯魚星

彗孛犯魚星

流星犯魚星

雲氣犯魚星

魚星論

天文別錄曰魚一星在箕西入尾一十六度主

天河中陰事候之以知雲雨

石申占曰魚一星赤在尾後天河中星明潤則

陰陽和風雨時動則水暴出火南守大旱北

守水災

天文志曰魚一星在尾後河中主陰事知雲雨

之期也

古今星釋曰魚星明潤而黃色無動搖則四海不失節陰陽無愆忒之患明大出怒角則水旱不時五穀不登民飢糴貴星移徙及動搖則風雨失時赤地千里民大饑

月五星犯魚星

天文別錄曰月犯魚星百川暴漲一曰天下大水月暈魚星期五日有暴雨無雨天下大旱  
荒民饑

大象旁通曰歲星犯魚星陰陽有愆伏之患禾

稼不熟焚或犯魚星陽則大旱犯魚星陰則大水太白犯之兵起亦曰有水災辰星犯之百川暴溺毀城邑傷人民鎮星犯之興土功修隄防

### 客星犯魚星

天文列錄曰客星犯魚星守魚星陰期三日內有雨守五日則雨五日守十日則雨旬日守五十日以上則天下大潞客星守魚星陽則無雨五十日以上則天下大旱

### 彗星犯魚星

天文別錄曰彗星掃魚星天下有兵喪不尔旱  
荒民饑赤地千里

大象旁通曰星孛魚星天下兵起一曰大水傷  
禾稼人饑

流星犯魚星

天文別錄曰流星抵觸魚星則百川漲溢天下  
大水一曰有兵入寇

雲氣犯魚星

天文別錄曰黑雲氣入魚星則大水傷禾稼黃  
氣入之百穀順成陰陽不失蒼白氣入之不



水即兵青赤爲時凶

傳說星論

傳說星統占

月五星犯傳說

客星犯傳說

彗星犯傳說

流星犯傳說

雲氣犯傳說

傳說統占

天文別錄曰傳說一星在尾東入尾一十四度  
主禱祠之事

石申占曰傳說一星赤在尾後天河中星明大  
後宮多禱祠暗小則少子孫動則不安星亡

則天子無鬯國必易王

天文志曰傳說一星在尾後傳說主章祝巫官也  
河圖遺書曰傳說星主禱祠巫祝之官得常則  
國無淫祠有變則國多祲巫淫祠盛行光浮  
而數搖動則國棄祀

大象旁通曰傳說星移徙則國祚亡國祀棄一  
曰其國有憂星亡則天子以祲言失政

月五星化傳說

天文錄曰月化傳說巫祝以妖言害國政月暈  
傳說不出三日有雨則鮮無雨則國祀將棄

古今星釋曰癸惑犯傳說則巫祝干國政一曰妖巫侵推太白犯傳說其國有大喪不然則兵起

客星化傳說

天文別錄曰客星化傳說巫祝入天子禁庭以妖言妬國政流毒天下

星讚曰客星化守傳說則淫巫濫祝唱妖言以惑人民若守之及五十日以上則天下大亂

彗孛化傳說

天文別錄曰彗星掃傳說則以妖言害朝政彗

奄傳說星不見則天下有憂兵爲亂一曰淫  
巫有匿謀

古今星釋曰星孛傳說則天下有巫祝掌兵權  
一曰淫巫害國政

流星犯傳說

天文別錄曰流星犯傳說則外國有謀及天子  
若流抵觸傳說則巫祝入後宮有陰謀

雲氣犯傳說

天文別錄曰黑雲氣干犯傳說星則巫祝有推  
一曰淫祠興民有妖言

大象旁通曰蒼白雲氣入傳說星則祝官掌兵  
柄一曰天下用巫祝爲法師

龜星統占

龜星統占

月五星犯龜星

客星犯龜星

彗孛犯龜星

流星犯龜星

雲氣犯龜星

龜星統占

天文別錄曰龜星五星在尾南其西北頭星入  
尾一十二度主河中陰事

石申占曰龜五星赤在尾南星明則君臣和不

居漢中則川易大守之兵罷水守之天下大  
水流星色黃旱色黑水谷以其國

天文志曰龜五星在尾南主占以吉凶

陳卓欽星占曰龜星明大則天下和平君臣有  
道星暗天下大兵起星亡則大水星坼則百  
川溢

古今星釋曰龜星明潤則天下和平百穀順成  
明大出怒角則有水旱災

月五星犯龜星

天文別錄曰月犯龜星則近臣有屋謀月暈龜

星期三日有暴雨不雨有兵起

大象旁通曰災或犯龜星則天下旱辰星守龜星則天下水太白爲兵鎮星爲土功

客星犯龜星

天文別錄曰客星犯龜星陽則歲旱犯龜星陰則大水若守之五十日以上不去者天下大饑民有餓殍

星讚曰客星入龜星中央其下兵起光芒四相如粉絮則不有屠城必有亡國

彗孛犯龜星

天文別錄曰彗星拂龜星則天下有兵變一曰  
國有兵喪

大象旁通曰孛星出龜星則大兵四起不爾大  
水一曰天下大亂又曰有白衣之會

流星犯龜星

天文別錄曰流星犯龜星河防決天下大水若  
流星出龜星江淮失水天下旱

生讚曰流星抵觸龜星則水方有陰謀一曰人  
臣失職以兵叛坐廢

雲氣犯龜星



天文別錄曰黑雲氣干犯龜星則大水傷人民  
壞城邑蒼白氣入之則大兵起爲寇一曰外  
寇內侵天子有憂兵

彗星論

彗星統占

月五星犯彗星

客星犯彗星

彗孛犯彗星

流星犯彗星

雲氣犯彗星

彗星統占

天文別錄曰彗一星在箕南入箕一度主歲之  
豐凶每以歲首上甲日候之及冬至日候之

明則歲豐星暗則歲饑星亡則人相食

甘德氏占曰豫一星黑在箕口前星明潤則歲豐  
豫星暗則歲歉人饑星不見則人相食  
野有餓殍

天文志曰豫一星在箕舌前并曰星之西北主  
豐凶

星讚曰豫星主歲之豐歉星黃潤而明則五穀  
登穰賤人安天下和樂星明大出怒角則天  
下大荒歉人相食白骨枕于道路明大動搖  
移徙則責人食豫執

陳卓叙星占曰糠星移入箕中則女主憂食天下多饑殍

月五星犯糠星

天文別錄曰月犯糠星則年穀不登民有菜色  
一曰天下有饑民月暈糠星期五日有雨無  
雨則後宮乏食

大象旁通曰熒惑入糠星則天下大旱五穀不  
熟辰星守之則天下大水禾稼不收人民多  
溺死

客星犯糠星

陳卓叙占曰客星守糠星天下大飢人相食白骨籍籍其國有流亡

大彖旁通曰客星如粉絮守糠星五十日不下者其國有兵喪一曰歲饑

古今星釋曰客星抵糠星奄星不凡則天廩無糧一曰百官憂食

彗孛犯糠星

武密曰彗星掃糠星則天下多饑民糴貴五穀不熟人民饑荒散徙

京房外傳曰星孛糠星則斗米萬錢民食糟糠

流星犯彗星

武密曰流星干犯彗星歲饑民流國亂一曰報責  
陳卓叙星曰流星抵觸彗星則天下大荒父子  
不相保兄弟妻子以無食離散

古今星釋曰流星入彗星則國用匱乏軍儲不  
繼百官有憂一曰有兵荒

雲氣犯彗星

武密曰有黑氣入彗星則天下無糧一曰黑氣  
吞彗星未責黃金賤黃氣入之天下大熟白  
氣入之大兵起有國喪

彗星論

彗星統占

月五星犯彗星

客星犯彗星

彗孛犯彗星

流星犯彗星

雲氣犯彗星

彗星統占

天文別錄曰彗三星在箕南其北星入箕二度  
半主天下人民歲之豐歉星歌則民不安諸  
星亡則人相食

石申占曰彗三星赤在箕南星正則歲豐星橫  
則歲饑星移則人失業不見則人相食

天文志曰杵三星在箕南杵給庖春客星入杵  
曰天下有急兵

大象旁通曰杵星疎圻不正則歲穀不登人民  
離散一星亡則天下糴貴斗米千錢三星俱  
亡則人不粒食天下有兵變一曰人相殘爭  
餓殍

月五星犯杵星

天文別錄曰月犯杵星後宮爭寵有進毒食相  
殺者月奄星不見則謀成

古今星釋曰熒惑守杵星天康有大災五穀爲

煨燼一曰歲大旱太白守杵則兵儲匱乏兵  
潰相屠戮

客星犯杵星

天文別錄曰客星犯杵星則天下穀大貴若客  
星如粉絮凌奄杵星年穀不登歲歉民饑

彗孛星犯杵星

天文別錄曰彗星掃杵星天下荒散饑民爲寇  
國有兵憂

星讚曰彗孛星中則民窮爲盜主殺戮其國  
流血



流星犯杵星

天文別錄曰流星抵觸杵星天下征伐爭糧斛  
一曰民不粒食盜賊爲亂國有憂

雲氣犯杵星

武密曰黑氣入杵星天下五穀不收主大荒儉  
陳卓叙星占曰黃氣入杵星時和歲豐天下和  
平青氣入之雨暘失序禾稼不熟

天籥星論

天籥星統占

客星犯天籥

彗孛犯天籥

流星犯天籥

雲氣犯天籥

天籥統占

天文別錄曰天籥八星在箕北星明入箕一度主開閉

至咸曰天籥八星在箕北黃主開閉門戶星不見則管籥無禁矣

天文志曰天籥八星箕北南斗西主開閉

古今星釋曰天籥乃天之管籥門戶之開禁也星疎圻則禁衛不嚴天子宫庭有憂星直憂兵天子下殿星就聚則寇內侵良民受禍

大象旁通曰天籥星亡則管籥關閉無禁一曰  
外寇作亂關閉無禁失守

客星犯天籥

天文別錄曰客星守天籥則關梁不通盜賊梗  
路若守五十日以上不去者天下大兵起  
大象旁通曰客星如粉絮守天籥則其國關梁  
失守外國爲亂

彗孛犯天籥

天文別錄曰彗星掃天籥則其國有大兵一曰  
邊寇犯塞入境爲亂天下大亂

古今星釋曰星孛天籥則其野有殃一曰爲兵  
變人主有憂

流星犯天籥

天文別錄曰流星抵觸天籥則外姦入禁庭亦  
曰内外有謀謀及人君

大彖旁通曰流星抵觸天籥外姦通內謀禁衛有兵亂  
雲氣犯天籥

天文別錄曰黑雲氣入天籥天下大盜起白雲氣入之禁  
兵爲亂黃氣入之閭梁通赤氣入之禁庭有大災

農丈人星論

農丈人星統占

客星犯農丈人

彗孛犯農丈人

流星犯農丈人

雲氣犯農丈人

農丈人統占

天文別錄曰農丈人一星在箕東入箕五度丰主

農官田畯之職星明則年豐星暗則歲不登

甘德占曰農丈人一星黑在狗西主農官星明則歲

豐星暗則歲凶星亡則五穀不登

古今星釋曰農丈人星潤澤而明則天子躬耕以先

農明大出怒角歲凶人相食星移徙則糴貴民飢亡

散徙一曰大盜四起爭食

客星犯農丈人

天文別錄曰客星犯農丈人星則五穀不熟雖貴  
兵起若守五十日不去者天下民流

大象旁通曰客星若粉絮守農丈人光芒相射者  
兵亂爭攘良民受相農務失時歲饑

彗孛犯農丈人

天文別錄曰彗星掃農丈人天子用武不務農耕  
桑失時人民飢餓一曰王者有兵憂

古人星釋曰星孛農丈人則天下凶荒農人失

業流亡其國兵起木亂一曰天下以兵亡又  
曰國祚以兵亡

流星犯農丈人

天文別錄曰流星犯農丈人歲饑農困天下兵  
起一曰外兵暴至

星讚曰流星抵觸農丈人田畯失職以事坐廢  
農人失業糴貴民饑天下大荒歟一曰人君憂  
雲氣犯農丈人

天文別錄曰黑雲氣干犯農丈人則天下未貴  
人相食餓殍滿野若黃氣入之天下大熱狗

菑食人食赤氣入之則天下大旱赤地千里  
白骨籍籍白氣入之農夫執干戈

乾象通鑑卷第八十五